

sunt nobis, dicamus : *Servi inutiles sumus ; quod debimus facere, fecimus.* (Luc. 17. 10.) Alioqui vana nostra Spes est. *Spera in Domino, monet Regius Psaltes, et fac beatitudinem, et inhabita terram, et pasceris in divitias ejus.* (Psalm. 36. 3.) Eja anima mea, JESU gratias age pro omnibus bonis, quibus te hactenus cumulavit; et ab ipso alia, que tibi promisit, expecta, statuens, ejus favente gratia, conniti proximis, ut illa promearis.

## DIES XXII.

### ANTE MISSAM.

Jesus, in Eucharistia, *Thesaurus noster.*

### Punctum I.

Considera, JESUM, in Eucharistia esse vere *Thesaurum illum absconditum in agro Ecclesiae*, de quo apud S. Evangelistam *Matthaeum* est sermo : (Matt. 13. 44. etc.) licet enim in hoc Sacramento nihil nisi infirma Panis et Vini elementa intueamur, continet tamen omnes Dei perfectiones, omnes adoranda Humanitatis JESU virtutes et merita, omnes gratiae divitias, omnia Spiritus Sancti dona. Si de hac veritate tibi intime sit persuasum, nihil est, quod dare non debeas, ut tibi *Thesaurum* adeo pretiosum compareres, ad exemplum illius, qui, prout habet S. Evangelium, *Thesauro invento, vendit universa quæ habet, et emit agrum illum.* Hujusmodi erat dispositio S. Pauli, quando dicebat : *Omnia detrimentum feci, et arbitror ut stercore, ut CHRISTUM lucrifaciam.* (Phil. 3. 8.) Utinam quoque tua sit !

missa est ut cum facilius esset, ac non obstat, quod pries-

### Punctum II.

Considera, quale sit gaudium illius hominis, qui *thesaurum* invenit; quanto ardore hunc auferat; quanta sollicitudine abscondat; quantum vereatur, ne amittat; quantum eo occupetur : *Ubi est Thesaurus tuus, ibi est et cor tuum.* (Math. 6. 21.) Examina, num in Eucharistia, in qua reconditus est *Thesaurus tuus JESUS*, sit cor tuum; num spiritu JESU plenus sis; num solum JESUM desideres. Eheu ! quam es frigidus ! quam indifferens ! forsitan cor tuum in mundo est, in voluptatibus, in honoribus, in divitias; atque id unum cogitas, ut thesaurizet tibi thesauros, quos ærugo et tinea demoliri, et fures effondere et furari possunt. Ah ! demum sape, solumque *Thesaurum* quare infinitum, *Thesaurum immutabilem, Thesaurum non deficiemt,* (Luc. 12. 33.) qui est JESUS CHRISTUS ipse: cætera omnia nihil fac, et dic cum S. Ignatio Martire: *Tantum Christo fruar!*

## DIES XXII.

### POST MISSAM.

Jesus, in Eucharistia, *Beatiudo nostra.*

### Punctum I.

Considera, te in sacrosanto Missæ Sacrificio acceptisse eundem JESUM, qui in Cœlis cum Patre et S. Spiritu felices facit Angelos et Sanctos; quique Divinitatis sue contemplatione, animas; corpora vero, aspectu sue Humanitatis beat: unde sequitur, te accepisse illum ipsum, qui omnis nostra *Beatiudo* est, cum nostræ tum essentialis, tum accidentalis

*Beatitudinis* sit objectum. Euge anima ! te Angelorum Sanctorumque gaudio socia, et cum iis Dominum JESUM, omnis *Beatitudinis* auctorem et fontem, honore, adoratione, amore, gratificatione prosequere : *Laudate Dominum de Cœlis ; laudate eum in excelsis : laudate eum omnes Angeli ejus ; laudate eum omnes Virtutes ejus.* (Psalm. 148. 1. et 2.)

**Punctum II.**

Considera, JESUM in Eucharistia nostram esse *Beatitudinem*, non tantum pro æternitate, sed et pro tempore : ipse enim universis nos malis liberat, et cumulat bonis, solusque est potens, qui impleat omnia cordis nostri desideria. Agnosce errorem illorum hominum, qui in iis, quæ mundi sunt, suam ponunt *Beatitudinem* : felices aestimant hos omnes, qui opibus abundant, ad honores evecti sunt, voluptatibus potiuntur. *Beatum dixerunt populum, cui hæc sunt,* (Psalm. 148. 15.) sed falluntur : *Beatus populus, cuius Dominus Deus ejus.* (Ibid.) Hac tu, mea anima, *Beatitudine gaude, hac fruere, diligentiusque eam conserva, quam omnes totius mundi thesauros.*

**DIES XXIII.**

**ANTE MISSAM.**

*Jesus, in Eucharistia, Gloria nostra.*

**Punctum I.**

Considera, nos nihil prorsus ex nobis habere, unde gloriemur : nihil enim sumus, nihil possidemus, nihil scimus, nihil possumus : *Pro me, inquit magnus*

Apostolus, *nihil gloriabor.* (2. Cor. 12. 5.) Verum, quantum in nobis habemus, quo humiliemur, tantum habemus in JESU, quo gloriemur : hinc idem S. Apostolus : *Gloriamur, ait, in CHRISTO JESU ;* (Phil. 3. 3.) namque is ipse est, a quo accepimus totum quod sumus, et totum quod habemus ; qui noster Deus est, nos autem populus ejus ; qui nostrum Caput est, nos autem membra ejus ; qui noster summus Sacerdos est, nos autem ministri ejus ; qui est infinitæ magnitudinis, qui ubique terrarum adoratur, cuius pedibus advolvuntur Reges, qui prope adest nobis. Sic est : *solus Tu, Domine, Gloria mea :* (Psalm. 3. 3.) Extra te omnia ignobilia sunt, abjecta omnia. o Qualis quantusque honor mihi est, tamquam tuo Ministro, ad Altare tuum introire, te sumere, te possidere, tecum uniri !

**Punctum II.**

Considera, JESUM non solummodo esse *Gloriam* nostram in Divinitatis sue splendore, in virtutum miraculorumque suorum claritate, in suorum hostium expugnatione, in suis Mysteriis gloriosis; verum etiam in humilitate sue Incarnationis; in paupertate, quam sibi elegit ; in miseriis, quibus se subjecit ; in opprobriis, quæ tulit ; in tormentis, quæ passus est ; in morte Crucis, quam nostra causa subiit ; etenim JESU humiliations origo sunt et principium propriæ sue *Glorie* et simul nostre. Hodem ergo zelo, quo S. Paulus, accensis dicamus : *Miki autem absit gloriari, nisi in Cruce Domini nostri JESU CHRISTI.* (Gal. 6. 14.) Gloriemur in contemptuum, contradictionem, inopie, omniumque vitiæ malorum propter JESUM CHRISTUM tolerantia : atque in hac animi dispositione ad Altare accedamus.

## DIES XXIII.

### POST MISSAM.

**Jesus, in Eucharistia, Gaudium nostrum.**

Punctum I.

Considera, JESUM, qui in Eucharistia omnis nostra Gloria est, in eadem omne nostrum esse *Gaudium*: idem namque JESUS est, qui Prophetas et Patriarchas exhilaravit futuri sui adventus revelatione, sicut ipse Iudeus asseruit: *Abraham Pater vester exultavit, ut videret diem meum; vidit, et gavisus est;* (Joan. 8. 56.) Idem, qui fecit, ut exultaret Spiritus B. V. Mariæ, cum in utero ejus incarnatus est; idem, cuius nativitatem, tamquam gaudii magni causam, Angeli annuntiarunt; idem, quem postquam resurrexerat, tanta cum lætitia reviderunt Apostoli. Gaudie igitur communī hoc gaudio, et exulta, o anima, quæ illum JESUM possides! Deliciae ejus sunt esse tecum; sint et tuæ cum ipso esse. *Mi JESU! omne meum in terra Gaudium eris: Melior est dies una in atris tuis, super milia.* (Psalm. 83. 11.) Fallax est mundi *Gaudium*, fragile, damnosum! *Gaudium* vero quod nobis ex te est, semper sincerum, solidum et sanctum est: *Quapropter, iactabor et exultabo in te.* (Psalm. 9. 2.)

### Punctum II.

Considera, JESUM in Eucharistia *Gaudii* nostri causam quoque debere esse ob spem, in qua sumus, fore ut ipso aliquando perfruamur in Cœlo: *Spe gaudentes* (Rom. 12. 12.) Quanta est lætitia Sanctorum,

qui jam ipsum possident! quo voluptatis torrente non sunt inebrati! quantum etiam nostrum erit gaudium, quando liberati de corpore mortis hujus, Deum nostrum videbimus facie ad faciem! An ex nunc spes tanti ponit nos delectat? aliquid solaminis affert nostris miseriis? An ferventiores et fortiores nos efficit? Hac spe Apostolos suos sæpe incitabat Jesus: *Tristitia vestra vertetur in Gaudium. Gaudete, et exultate, quoniam merces vestra copiosa est in Cœlis.* (Matt. 5. 42. et Jois 16.) Frequenter et nos id cogitemus, atque spem illam in nobis resuscitemus, cujus nunc possidemus pignus. o JESU! esto *Gaudium* meum in Cœlo, sicut et in terra.

## DIES XXIV.

### ANTE MISSAM.

**Jesus, in Eucharistia, Hereditas nostra.**

Punctum I.

Considera, si Deus in Veteri Lege se *Hæreditatem* Ministrorum suorum dixerit: *Ego pars et Hæreditas tua;* (Num. 18. 20.) JESUM potiori jure, *Hæreditatem* nostram esse, quoniam cum ipso fœdus pepigimus multo sanctius, quam erat Iudaorum. Præterea, quando tonsura fuimus insigniti, ipsum *Hæreditatem* nostram solemniter elegimus, his verbis: *Dominus pars Hæreditatis meæ et Calicis mei; tu es qui restitues Hæreditatem meam mihi.* (Psalm. 15. 5.) o Quam nobilis est hec *Hæreditas!* quam præcellens! vere *Hæreditas mea præclara est mihi.* (Ibid. 6.) Quantam hactenus ex ista non collegimus bonorum abundantiam, et deinceps sperare non licet? Itaque, hanc *Hæreditatem* pluris faciamus quam omnes mundi

thesauros, ejusque possessione magis, quam ulla re  
alia iestemur, ad laborando assidue, ut illa indies  
magis nobis prosit: quo enim diligentiorem adhi-  
buerimus conatum, eo pleniorum referemus gratia-  
rum mensuram.

Considera, quemadmodum Deus in Lege Veteri sese Ministris suis non dedit *Hæreditatem*, nisi postquam illis mandarat, ut renuntiarent omni possessioni in terra Filiorum Israel : *In terra eorum nihil possidebitis, nec habebitis partem inter eos* ; (Num. 18. 20.) Ita JESUM non posse *Hæreditatem* nostram esse, nisi, saltem corde et affectu renuntiemus mundo et omnibus sœculi vanitatibus : tam sacra enim *Hæreditas*, qualis Jesus est non patitur sibi uniri profanas *Hæreditates*, quæ cum affectione retinentur. Examina, quis tibi circa hujus mundi bona sit animus : nonne istis occuparis nimium ? An necessariis es contentus ? Numquid non aliis, te ditioribus, invides : Nihilne in inordinato affectu possides ? Esne paratus pro JESU abdicare omnia ? Dic igitur : *Quid mihi est in Calo, et a te quid volui super terram ?* Deus cordis mei, et pars mea, Deus in æternum. (Psalm. 72. 25. et 26.)

## Punctum II.

## DIES XXIV.

## POST MISSAL.

**Jesus, in Eucharistia, nobis Omnia.**

## Punctum I.

Considera, JESUM in Eucharistia nobis esse *Omnia*; sive quia Deus, illum nobis tradens, *Cum illo omnia nobis donavit*; (Rom. 8. 32.) Sive, quia in omnibus nostris necessitatibus ille unus nobis sufficit; sive, quia solus nobis post mortem superest. Igitur, quando ipsum possides omnia possides; si vero ipsum non possides, quantumvis mundum lucratus essem universum, nihil possides: nam extra JESUM, *Vanitas vanitatum, et omnia vanitas.* (Eccles. 12. 8.) Eja, JESU, qui tibi *Omnia* est, debitæ venerationis cultum exhibe! gaudie ejus possessione; offer ipsis omnes tuas cogitationes, omnes affectus, omnia opera, omnia vitæ tuæ momenta.

## Punctum II.

Considera, cum tibi JESUS sit *Omnia*, aliud præter ipsum a te quæri, a te amari non posse, universaque extra ipsum tibi esse contemnenda. Hoc unum tibi curæ sit, ut ipsi placeas, ut ejus gratia non excidas, ut facias omnia, quibus ipsum in æternitate possideas, *Quid enim prodest homini, si mundum universum lucretur, anima vero sue detrimentum patiatur?* (Matt. 16. 26.) o JESU! tu solus eris imposterum totæ dñitatis meæ, totum bonum meum, tota consolatio mea, omnis spes, omne gaudium, omnis amor meus; cætera, pro nihilo habeo: *Deus meus, et omnia!*

## DIES XXV.

### ANTE MISSAM.

*Jesus, in Eucharistia, Donum Dei hominibus.*

#### Punctum I.

Considera, JESUM, in Eucharistia esse *Donum* pre-tiosissimum, quod Deus umquam est largitus et largiri potest hominibus. Filius ejus est unicus, in quo sibi æternum complacet; est figura substantiæ ejus, ejus imago, ejus Verbum per omnia ipsi simile, et unus idemque cum ipso Deus. o Anima mea! Si scires *Donum* Dei, (Joan. 4. 10.) ejus excellentiam, pretium, necessitatem, omnia, quæ complectitur, bona quantum arderes ad illud accipendum! Domine, adauge nobis fidem, (Luc. 17. 5.) ut te noscentes, qualis reipsa es, te omni veneratione, omni puritate, omni amore, quo dignus es, suscipiamus.

#### Punctum II.

Considera, JESUM a Deo hominibus datum fuisse iu diversis Mysteriis: in Eucharistia vero, dari cum omni plenitudine omnium suorum Mysteriorum, meritorum et perfectionum. JESUS nobis datus in sua Nativitate, vite et mortis suæ merita necdum consummaverat; datus in sua Morte, necdum vitæ suæ novæ dignitate, potentia, divitiae eminebat; datus in sua Resurrectione et Ascensione, absconditus in Deo et sublatus hominibus videbatur: ast in Eucharistia, nihil quidquam de suo in Deo recessu, nihil de vitæ suæ novæ abundantia, nihil de sua Majestate deperdens, in illa datur nobis, velut om-

nium suorum statuum et Mysteriorum complemen-tum. o Sapientiam! o Amorem! o Magnificentiam Dei mei! *Gratias Deo super inenarrabili dono ejus.* (2. Cor. 9. 15.) Quoties *Donum* hoc, mihi Deus, imper-tivisti, et quidem hac quoque die impertire vis mihi indigno, qui illo tam parum proficio: et te offendio indies! Ah! si quis alius certe ego jure meritissimo dicere possum: *Ubi abundavit delictum, super-abundavit gratia.* (Rom. 5. 20.)

## DIES XXV.

### POST MISSAM.

*Jesus, in Eucharistia, Donum hominum Deo.*

#### Punctum I.

Considera, JESUM in Eucharistia esse solum *Do-num*, quod Deo sit dignum, quodque homines Deo offerre possint; quia aliud quodlibet *Donum* semper limitatum est, et aliquo defectu mixtum, ac proinde inferius tum Sanctitate, tum Majestate Dei, cuius omnes Perfectiones sunt infinitæ. Hinc omnes nostre cogitationes, omnia verba nostra, amor noster, actiones nostre, bona nostra, et ipsa nostra vita, non sunt dona satis pura, satisque præstantia, quæ sola Deo offerantur; ideoque ipsi placuit dare nobis Filium suum, sibi consubstantiale, quem ipsi offerre possumus, ut debitum ipsi honorem, subjectionem et amorem exhibemus. *Gratias Deo age, quod tibi subministraverit modum adeo facilem complendi quidquid ipsi debes.* Et, quoniam nunc in corde tuo habes JESUM, possides unicum Dei Filium; *Per ip-sum ergo offer hostiam laudis Deo.* (Heb. 13. 15.)

**Punctum II:** ! o Sospiratio ! o Magistrisim  
Deli mei ! Gaudi ! ollusque invenitq[ue]m q[ua]ndam  
cum o Sospiratio ! o Magistrisim

Considera, Jesum, cum nobis totus ab æterno Patre in Eucharistia sit datus, totum devenisse nostrum, ac totum cedere in nostrum commodum, in tantum, ut liceat nobis adhibere ipsum ad res omnes, quas erga suum Patrem gerendas habemus ; puta, ad mentes nostras in Deum Patrem elevandas, ad eum adorandum, laudandum, invokeandum, placandum, amandum : Jesus enim laus nostra est, et gratiarum actio, pax nostra, amor noster ; neque ullum ex omnibus istis debitis obsequiis a nobis acceptat Deus, nisi in quantum suo Filio sumus coadunati. o Mi Deus ! adoro te, gratias ago tibi, amo te, imploro te, offero me tibi per JESUM, cum JESU, quemadmodum in Sancto Missæ Sacrificio facit Ecclesia : *Per ipsum, et cum ipso, et in ipso, est tibi Deo Patri omnipotenti, in unitate Spiritus Sancti, omnishonor et gloria ; et quemadmodum in Cœlo faciunt omnes Angeli et Sancti : In conspectu Agni adoraverunt Deum dicentes, Amen.* (Apoc. 7., 9. et 12.)

## DIES XXVI.

## **ANTE MISSAM,**

**Punctum I.**

Considera, JESUM in Eucharistia esse *Finem* nostrum ultimum : et sicut omnes creature in suum quoque Finem fortiter inclinant, quia in illo inventi sunt quietem, pacem et felicitatem, cuius sunt capaces ; ita oportere etiam nos ardentи premi

desiderio appropinquandi in hoc divino Sacramento ad JESUM, tamquam ad nostrum *Finem*, ut in ipso nostram tranquillitatem, consolationem, et felicitatem reperiamus. Interim qui fit, ut adeo tepidi, adeo indifferentes simus ? Eheu ! quia JESUM non habemus pro solo et unico nostro *Fine*; quia in JESUM non credimus. Ah ! *Notum fac mihi, Domine, Finem meum,* (Psalm. 38. 5.) Ut non nisi ad te cum Propheta suspirem : *Quemadmodum desiderat cervus ad fontes aquarum, ita desiderat anima mea ad te, Deus.* (Psalm. 41. 1.)

## Punctum II.

Considera, sicut Eucharistia *Finis* est omnium aliorum Sacramentorum, quia hæc preceteris instituta sunt, ut ad illam disponamur; ita JESUM in Eucharistia, debere esse *Finem* omnium nostrarum cogitationum, verborum et operum; adeo ut nihil nos facere, dicere aut cogitare oporteat, nisi unde disponamur, ut ipsum quotidie in Altari offeramus et recipiamus; conformiter ad hoc S. Pauli monitum: *omne quodcumque facitis in verbo aut in opere, omnia in nomine Domini nostri JESU CHRISTI* (Col. 3. 17.) sic sane vita nostra foret continua ad S. Missæ Sacrificium preparatio: sed quantum absumus ab hac praxi! omnia pene vel pro mundo agimus, vel saltem absque ulla ad JESUM attentione. o JESU! nihil post-hac facere volo, nisi pro te: tu mihi solus omnium mearum functionum, actionum et curarum eris *Finis.*

## DIES XXVI.

### POST MISSAM.

Jesus, in Eucharistia, *Exemplar nostrum.*

#### Punctum I.

Considera, JESUM in Eucharistia esse omnium virtutum *Exemplar*, quod Pater nobis ad imitationem proponit; cum nulla omnino sit virtus, cuius nobis in hoc Sacramento non præbeat exemplum, et de qua dicere nequeat, quod de mansuetudine et humilitate aliquando dixit: *Discite a me in hoc Sacramento, non tantum quia misericordia sum et humilis corde, sed etiam, quia patiens sum, benignus, obediens, etc.* (Matt. 11. 29.) Itaque Divinum illud *Exemplar*, dum ejus frueris presentia, consule, in illud animum intende, illius mirare Perfectionem et Sanctitatem; erubescere, quod tam procul ab illo distes, illique propius accedere stude. Non alia de causa exemplum tibi dedit JESUS, quam ut imiteris: *Exemplum enim; inquit, dedi vobis ut quemadmodum ego feci, ita et vos faciatis.* (Joan. 13. 15.)

#### Punctum II.

Considera JESUM in Eucharistia *Exemplar esse*, quod omnes, quarum ille nobis præbet exemplum, virtutes communicat; nempe, non solum nobis ostendendo, quid sit faciendum, sed etiam ad faciendum gratias et vires largiter suppeditando: atque in eum finem sese jam tibi in Altari dedit. o Mi JESU! quantum tibi debo, quia me auxilio gratiae tuae, sine qua nihil possum, tam benigne sustentas? Merito me ti-

bi similiorem! esse oportet, quam re ipsa sum, cum te in Altari repræsentem quotidie, et haec tua sit voluntas, ut Minister tuus te sequatur: *Si quis mihi ministrat, me sequatur.* (Joan. 12. 26.) Ah! Trahe me: post te curremus in odorem unguentorum tuorum. (Cant. 1. 3.)

## DIES XXVII.

### ANTE MISSAM.

Jesus, in Eucharistia, *Potentia.*

#### Punctum I.

Considera, JESUM in hoc Sacramento egregie suam Potentiam exercere; non quidem in nihilum, velut in rerum omnium creatione; non etiam in pulvrem et cinerem, velut in resuscitatione mortuorum; non denique in Colum, terram et elementa, velut in tot aliis Miraculis, quæ patravit: sed in proprium suum Corpus, Divinitatem unitum, gloriosum et immortale; illud scilicet in terra detinendo expers splendoris, et sub speciebus inanimatis reconditum. Enim vero hoc Corpus, cum sit Divinitati unitum, in Cœlo esse: cum sit gloriosum, coruscare splendore; cum sit immortale, totum apparere activum oporteret: at contra, JESUS mirabilis sua Potentia, et infinita erga nos charitate efficit, ut in nostris Tabernaculis oclusum, sub Sacramentalium Specierum velo latitet. Obstupesce, et JESU Potentiam in hoc Mysterio agnoscere. O divine mi JESU! Vere Subest tibi, cum volueris, posse. (Sap. 12. 18). Quoniam autem mei gratia factu impossibilia facis, nonne saltem gratia tui difficultaria factu mihi forent facienda? Interim vix, ad me vicendum, facilissim me subjicio exercitiis, vix le-

vissimos adhibeo conatus. Pro pudor! humilia te sub omnipotenti Manu Dei, ipsumque ora, ut virtute sue gratiae passionum tuarum sistat torrentem.

Punctum II.

Considera, JESU Potentiam in hoc Mysterio adhuc amplius eminere, quod nimis hæc omnia prodigia faciat non per se ipsum, veluti in ultima Cœna, sed per Sacerdotes, qui homines sunt infirmi, mortales, peccatores, et quidem non raro gravioribus inquinati peccatis, quibus confert omnem suam Potentiam ; quam non eorum probat, merito, aut fidei annectit, sed Ordinis, quo insigniti sunt, characteri ; in tantum, ut quovis tempore et loco, in quocumque statu sint constituti, celebrare valeant, et ipse ad simplicem eorum vocem absque ulla mora, in Altari præsentem se sistat. Glorifica Deum, qui dedit potestatem talem hominibus ; (Matt. 9. 8.) et tibi speciatim, qui illius es adeo indignus. Expende, quomodo hucusque tam prodigiosa potestate sis usus, eaque formida abutii imposterum : nam, *Cui multum datum est, multum quæretur ab eo.* (Luc. 12. 48.)

DIES XXVII.

POST MISSAM.

Jesus, in Eucharistia, Sapientia.

Punctum I.

Considera, JESU Sapientiam multum apparuisse in Incarnatione; eo quod, cum nec Deus pati posset, nec merus Homo infinitam reparare injuriam, Homo

factus sit, ut et qua Deus, condigne satisfacere ; et qua Homo, pro rata offendæ pati posset. Verum, non minus JESU Sapientia in Eucharistia manifestatur ; quia, quandoquidem nee in propria sua specie manducari, nec aliunde solus panis animabus nostris quidquam prodesse potest, sese sub Panis Vinique speciebus abscondit, ut suo Corpore et Sanguine nutriamur. Omnia in Sapientia fecisti, (Ps. 103. 24.) mi JESU sed nunquam mirabilior Sapientia tua existit, quam dum hunc modum reperisti, quo te dares hominibus. Ah ! cur ego quoque non sat ingeniosus sum in adinveniendis modis, quibus te colam et amem ? Ego, inquam, qui, ut rebus meis et commodis consulam, tot modos invenio ? Domine JESU, Da mihi sedium tuarum assistricem Sapientiam, ut tecum sit, et tecum laboret. (Sap. 9. 4. et 10.)

Punctum II.

Considera, JESUM, si exhibuisset se radiantem gloria et majestate, quæ sibi sunt propria, animabus incussurum fuisse terrorem ; unde plures ex iis horro percusæ, non ausæ fuissent ipsi appropinquare. Propterea infinita sua Sapientia ipsi suggestit viam, qua nobis se traderet modo, quam poterat, intimo, ac simul immuni ab omni ratione formidinis ; nimirum, instituendo SS. Eucharistia Sacramentum, in quo ipsum tanta securitate, tantaque facilitate recipimus. O quam apposite de Dei Sapientia dictum est : *Attingit a fine usque ad finem fortiter, et disponit omnia suaviter.* (Sap. 8. 1.) Gratias age JESU, quod tibi tam facilem ad se accessum fecerit ; cave tamen, ne ejus bonitas vel tantillum minuat metum et reverentiam, quæ ipsi debes, *Servite Domino in timore et exultate et cum tremore,* (Ps. 2. 11.)

## DIES XXVIII.

### ANTE MISSAM.

Jesus, in Eucharistia, *Bonitas.*

#### Punctum I.

Considera, Deum sese creaturis suis in triplici ordine communicasse: in ordine *Nature*, per Creationem, eos suæ Essentie faciendo participes; in ordine *Gratiae*, per Sanctificationem, animabus imaginem quamdam Sanctitatis imprimendo; in ordine *Glorie*, divina sua Charitate consummando felicem Beatorum sortem: JESUS vero novum adinvenit medium quo se nobis peculiari modo communicaret, dando vide- licet se ipsum, qui fons est omnis boni et omnis perfectionis: atque id ipsum est, quod in Eucharistia præstat. *Bonus es tu*, (Ps 118. 68.) mi JESU! at vero quis ego sum? Quid de te tantum merui, ut mihi temetipsum et quidquid es largiaris? Gratiarum tuarum minima, simplex oculorum ictus, mihi quidem vermiculo, immensam tuam demonstraret *Bonitatem*: felicem me cum Cananite ducerem, si ex mensa tua mihi darentur mīce. Ah! neque satis mirari quo, neque laudare satis infinitam erga me *Bonitatem*: imo vero confundor, mi Deus, eaque me plane indignum profiteor.

#### Punctum II.

Considera, tametsi JESUM *Bonitatem* suam erga omnes, sine exceptione personarum, exhibeat, quia nos omnes ad bonum excitat, et avocat a malo: ipsum tamen sese speciali modo præbere iis, qui in illum sperant, et illum querunt: *Bonus est Dominus*

*sperantibus in eum, animæ querenti illum.* (Thren. 3. 25.) Cum bonis bonus est, seque nobis eo tradit liberalius, quo illi nosmetipsos liberalius donamus. Pande igitur ipsi cor tuum, ut in illud divitias suæ *Bonitatis* effundat; cortuum evacula, ut illud replete; paratus esto te totum JESU dare, ut se totum tibi det JESUS.

## DIES XXVIII.

### POST MISSAM.

Jesus, in Eucharistia, *Amor.*

#### Punctum I.

Considera, sic Deum dilexisse mundum, ut *Filium suum unigenitum daret* (Jois 3. 16.), eumdemque Filium sic nos dilexisse, ut se et singulis nostrum in Eucharistia dederit: neque eum, sive nostra merita, sive propria sua commoda moverunt ad se nobis tam gratiore dandum, sed solus *Amor*, quo erga nos afficitur; *Amor*, inquam, qui imaginationem nostram longe superat, et tanto est mirabilior, quia illi sæpius nil nisi animum ingratum reddimus. A te jam querit JESUS, quod olim a S. Petro: *Amas me*, (Joan. 21. 17.) qui te tantopere amavi? Vide, an factis magis, quam dictis ipsi responderemus possis: *Domine, tu scis, quia amo te.* (Ibid.) Imo, mi JESU, amo te, et amplius te amare desidero: inflamma sacro *Amoris* tui igne cor meum, et ne patere, ut ullam rem creatam amem plus quam te, vel etiam sicut te.

#### Punctum II.

Considera, quam prodigiosus sit *Amor*, quem JESUS erga nos in hoc Sacramento testatur. Profecto, si serio

expendamus donum quod nobis largitur ; finem, ob quem largitur ; et tempus modumque, quibus largitur, comperiemus, nullam ex his esse circumstantiam, quæ digne perpensa non spiret summum *Amorem*, et nos in admirationem non rapiat. *Enim vero*, largitur nobis *Jesus* se ipsum ; largitur, ut testetur se nos amare ; largitur, jam jam pro nobis moriturus ; largitur denique, vehementissimo affectu, ut nobis sit alimento. O *Amor JESU* ! quam parum es cognitus ! quis latitudinem, et longitudinem, et sublimitatem, et profundum tui *Amoris* comprehendere possit ! Ah ! mi *JESU* amantissime, utinam habeam omnium Angelorum Sanctorumque Amorem, ut tantum te amem, quantum te illi simul amant ! saltem ex omnibus viribus meis Amare te volo, et ubique et semper meum in te testari Amorem. *Si quis non amat Dominum nostrum JESUM CHRISTUM, sit anathema.* (I. Cor. 16. 22.)

## DIES XXIX.

### ANTE MISSAM.

*Jesus, in Eucharistia, Obedientia.*

#### Punctum 1.

Considera, non suffecisse *JESU* sese subjicere morti Crucis, ut Patris sui præcepto pareret : in Eucharistia enim suam quoque *Obedientiam*, et quidem manifestius, ostendit ; dum nemque in illa, ad vocem celebrantis, statim præsentem se exhibet : *Obediente Domino voci hominis* ; (Jos. 10. 14.) dum se intra arcuissimos hostiæ limites continet, numquam inde sua sponte egressurus, quantumvis non secus in hoc, quam in suæ Passionis Mysterio, variis et gravissi-

mis injuriis sit afficiendus : dum sinit se a Sacerdote contrectari et quolibet reponi loco. O *Obedientiam* inauditam et incomparabilem ! Creator omnipotens infirmæ creaturæ, Dominus servo, Sanctus Sanctorum homini peccatori se subjicit ! quantum, eheu ! adeo præclarum *Obedientie* exemplum confundit me miserum, qui tam parce, tam segniter divinis mandatis obtempero ! quæ fronte ausim superbia tumens, ac semper dominandi, numquam obsequendi cupidus, ad Deum obedientissimum accedere ? Ah ! mi *JESU* ! propriae meæ voluntati renuntio, et tue me totum submitto : *Doce me facere voluntatem tuam; quia Deus meus es tu.* (Psalm. 142. 10.)

#### Punctum II.

Considera, *JESU Obedientiam* esse plene voluntariam : nam vincula sua dirumpere, et ejusmodi subjectione sese facile eximere potest. *Ejus* igitur inseparabilis adhesio exiguae abjectarum Sacramenti Specierum extensioni, omnino fit ex *Obedientia* spontanea, quam præstat voluntati Sacerdotis, licet hic ipsi quoad omnia subjiciatur. *Jesus* proinde in Eucharistia jure dicere potest, quod moriturus de sua anima, seu vita dixit : *Ego pono eam à me ipso.* (Jean. 10. 18.) Atque hæc circumstantia quantum *Obedientie* *JESU* meritum extollit, tantum nos suffundit pudore, quid enim ? An post hujusmodi obtemperantie exemplum, nos adhuc decet tanta esse repugnantia ad nostris parentum superioribus ? An eorum jussa non nisi difficulter, obmurmurantes scilicet et conquerentes, exequi ? An nos ipsis ex mera necessitate subdere, quia nimis *Obedientie* nos subtrahere nequimus ? Statuamus superioribus nostris imposturum obedire, *Ut servi CHRISTI, facientes voluntatem Dei ex animo* ; (Eph. 6. 6.) Et in illis, non homines,

sed Deum intuentes ; ut ita conformemur Magistro nostro Iesu. In hoc porro spiritu *Obedientiae* introeamus ad Altare Dei.

## DIES XXIX.

### POST MISSAM.

*Jesus, in Eucharistia, Patientia.*

### Punctum I.

Considera, JESUM in Eucharistia pergere eamdem exercere *Patientiam*, quam in vita sua ad mortem usque præstítit. In Eucharistia namque, non solum suffert modicam illam, quæ ipsi a plerisque Christianis, imo et Sacerdotibus exhibetur, fidem, venerationem et devotionem ; sed etiam, omnes irreverentias et immodestias, quæ coram ipso committuntur ; quin ipsas quoque profanations et sacrilegia, quæ per indignas patruntur Communiones. ô Sane mira Dei mei *Patientia* ! Opprobria exprobrantium tibi ceciderunt super me : (Psalm. 68. 10.) Intime sentis, mi Iesu, contumelias, quibus in hoc sacro amoris Mysterio afficeris ; Ah ! cur injurias omnes, quas in eodem percessus es, reparare nequeo et impedire, ne adhuc novæ tibi inferantur ? Offero tibi, Deus *Patientissime*, profundissimam venerationem, quam tibi in Eucharistia indesinenter exhibent omnes Angeli et Sancti ; cultus obsequia, quibus te umquam fides tui sunt prosecuti ; debitos honores, quos tibi de tulit et etiamnund defert Ecclesia : Hæc omnia suscipe in compensationem ignominiarum, tibi a quocumque hominum illatarum ; sed et meas mihi ignosce irreverentias.

Considera, Iesu *Patientiam* mirabiliter in sequenti bus apparere circumstantiis ; 1º. quod patiatura creatura vili et contemptibili, ipse, qui Deus est ; magnitudine ac Majestate plenus, et potens statim disperdere quotquot ipsi insultant. 2º. Quod patiatur ab hominibus injurias atrocissimas, hoc ipso tempore, quo eos favorum omnium maximo prævenit : *Retribuebant mihi mala pro bonis.* (Psalm. 34. 12.) 3º. Quod patiatur a primo instanti, quo Mysterium istud instituit, et adhuc pati paratus sit. ô Mi Iesu ! qui es ipsamet *Patientia*, quas tibi grates rependam pro eo quod per illam usque adeo me sustinueris ? Ah ! noli permittere, ut divina tua *Patientia*, deinceps abutatur ; imo vero da, ut, dum te, qui Deus es tam benignus, tam *Patiens*, toties recipio, ad exemplum tuum contemptus et contradictiones æquo animo tolerem.

## DIES XXX.

### ANTE MISSAM.

*Jesus, in Eucharistia, Paupertas.*

### Punctum I.

Considera, JESU in Eucharistia *Paupertatem* : Pro habitaculo viles tantum et communes Species habet, et pluribus in locis ea *Paupertate* tractatur, ut abunde manifestet, eumdem se esse Deum, qui natus in Bethleem, fuit in præsensi, et frōno positus. Verum in hoc *Pauperlati* statu infinite dives et potens est ; dominatur in Reges et Angelos, jubetque omnes, et

Cœli, et Terræ potestates supplices ad ipsum adorandum procedere, ita ut sit *Simul in unum dives et pauper.* (Ps. 48. 3.) JESUM in hoc paupere statu Deum tuum agnosce, et illius, siquidem ipsi placere vis, exemplum imitare. Memento, quid tibi in Evangelio dixerit: *Qui non renuntiat omnibus quæ possidet, non potest meus esse Discipulus:* (Luc. 14. 33.) Tum vero tibi ipsi audacter exprobra tantam in supellestili, in vestitu, in omnibus ad vitam necessariis rebus superfluitatem, ubi interim Deus tuus, denudatus omnibus. *Non habet ubi caput reclinet.* (Luc. 9. 58.)

Punctum II.

Considera, JESUM in Eucharistia adeo esse Pauperem, ut nec sibi, nec pro se, sed totus nobis et pro nobis existat, ac nostri gratia non solum se bonis suis expoliarit, verum etiam seipso; nempe ut de illo pro nostra disponamus voluntate, et illius Paupertate ditescamus: *Propter vos egenus factus est, cum esset dives, ut illius inopia vos divites essetis.* (2. Cor. 8.9.) O mi bone JESU! divitiarum, gratiarum, virtutum, meritorum tuorum me fac partipem; gravi enim egestate premor: *Ezaudi me, quoniam inops et pauper sum ego.* (Ps. 85. 1.)

DIES XXX.

POST MISSAM.

Jesus, in Eucharistia, *Humilitas.*

Punctum I.

Considera, si JESU *Humilitas* multum apparuerit

in Incarnatione, quando *Semetipsum exinanivit formam servi accipiens,* (Phil. 2. 7.) illam amplius apparet in Eucharistia, ubi se rededit ad conditionem, quæ in speciem inferior est conditioni cuiuscumque viventis creature. Enimvero, Jesus in Eucharistia non nisi panis esse videtur sine vita, sine motu, sine ratione, sine agendi virtute; quodque est mirabilius, non modo in illo statu permanet, sed sibi etiam in illo complacet. Proh! quantum *Humilitas* JESU nostram confundit superbiam! JESUS non vult videri qualis revera est; nos autem quales omnino non sumus, semper videri volumus. Agnosco, mi Deus! tuam magnitudinem, et meum nihilum; tuam potentiam, et meam infirmitatem; tuam Sanctitatem, et meam corruptionem; proindeque tantum abest, ut exinanitionem tuam erubescam, cum ea maximo per glorie. Te in illa, mi JESU, adoro, glorifico, amo: *Quanto pro me vilior, tanto mihi carior.* (S. Bern.)

Punctum II.

Considera, JESUM, quantumcumque magnum, voluisse se profundissime in Eucharistia humiliare; ad nos docendum, quod elevatio et magnitudo stare debeant cum *Humilitate;* quinimo, quo quis est major, eo magis se humiliare debeat, quia eget pluribus ad se sustinendum gratiis, quæ dumtaxat humiliibus dantur; quia amplior reddenda ipsi erit ratio; denique, quia magis tentationibus vanitatis et superbie est expositus. Atque hinc apud Ecclesiasticum dixit Spiritus Sanctus: *Quanto magnus es, humilia te in omnibus, et coram Deo invenies gratiam.* (Eccl. 3. 20.) JESUS nihil habebat, quod a sua magnitudine metueret, cum peccare non posset;

gratia non indigebat, cum ipse hujus fons sit : sese tamen humiliat, ut nobis, super cæteros exaltatis, ostendat, *Humilitatem esse prorsus necessariam.* JESU igitur profice exemplo, ultimum hominum te existima, *recumbe in novissimo loco,* (Luc. 14. 10.) et in eo persiste : hoc autem ut melius præstes, JESUM ora, ut *Humilitatis suæ te faciat participem.*

## DIES XXXI.

### ANTE MISSAM.

Considera, quanta JESU in Eucharistia sit *Puritas.* Quia Deus, idem est, qui ab omni æternitate, per operationem plane spiritualem, ex Patre est natus : qua Homo, idem, qui per virtutem Spiritus Sancti formatus est ex purissimæ Virginis Sanguine ; idem, qui de Cœlis in terram descendit, homines docturus *Puritatis exercitium* ; qui numquam sensit illecebras concupiscentiæ ; qui omnia delevit mundi inquinamenta, nec tamen vel minimum inquinatus est : idem ipse Deus, idem Homo est, qui est, Sacerdos simul et victimæ Sacrificii, jamjam a te offrendi. Adde, quod hoc Mysterium quoque sit Sacramentum, cuius materia est frumentum purissimum, panis azymus, qui est symbolum *Puritatis* ; forma vero, Dei ipsius verba. Hæc mature perpende, et conclude, quantam oporteat esse tuam *Puritatem*, ut oculis aspicias, manibus attrectes, offeras et sumas JESUM, qui est ipsamet *Puritas.* Sel heu ! quam hic cœcūtimus ? tu interim attende, ne ad Altare accedas, priusquam conscientiam tuam super hoc

puncto accurate fueris scrutatus ; tibique persuade, minimas sëpe sensualitates, esse vitia gravia, et infinite displicere Deo, *Qui pascitur inter lilia.* (Cant. 2. 16.)

### IN RATIONE TROPI

#### Punctum II.

Considera, JESUM non deditnari in Eucharistia suam *Puritatem* nobis communicare, qui unus est ex præcipiis hujus Sacramenti effectibus, designatus hisce Prophetae Zacharia verbis : *Quid enim bonum ejus, et quid pulchrum ejus, nisi Frumentum Electorum, et Vinum germinans Virgines?* (Zach. 9. 17.) Hic effectus oritur ex unione Virginæ Carnis JESU cum nostra : si namque Hostia, quæ in Lege Veteri offerebatur pro peccato, poterat sanctificare quidquid attingebat, quomodo JESU Caro, quæ tam pura est Hostia, non sanctificaret corpus cum ea unitum ? Præterea, cum hujus Sacramenti effectus sit augere charitatem, sequitur, quod concupiscentiam minuat. o Quam indiges potenti illo præsidio, ut acquiras virtutem adeo arduam *Puritatis* ? Qua ratione eam hactenus, absque frequenti hujus Mysterii participatione, conservasses ? Si tentationi non succubuisti, JESU Corpori et Sanguini acceptum id refer : eadem cum fiducia accede, ut et te sustentent imposterum, atque a Domino cor purum pete.

## DIES XXXI.

## **POST MISSAM**

## Jesus, in Eucharistia, Perseverantia.

### Punctum I.

Considera, JESU in Eucharistia Perseverantiam; ex quo tempore hoc Sacramentum instituit, semper in eo vere et realiter habitavit. Reliqua Sacra menta in actione transeunte consistunt; hoc autem in se permanens est atque perpetuum. In hoc non cessat JESUS Patrem suum glorificare, ipsi de collatis beneficiis gratias agere, ipsum pro nobis orare, applicare nobis fructum suae satisfactionis: et sicut usque ad consummationem saeculi non cessabit in hoc Sacramento habitare, secundum id quod pollicitus est: *Ecce ego vobiscum sum usque ad consummationem saeculi:* (Matt. 28. 20.) Ita, nec in illo cessabit id ipsum nostri gratia continuo praestare. Mirare Perseverantem JESU in Eucharistia tecum habitationem, ad suos in te continuandos favores; grates ipsi repende: sed simul erubesce, quoniam *Ecce! qui serviant ei non sunt stabiles.* (Job. 4. 18.) Quanta se mutabilitas, quanta inconstans in tua vita manifestat! hoc forte momento aliquantulum devotionis sentis, te colligis, sanctos foves affectus; verum momento sequenti, tibi nihil horum supererit? Ah! minime, mi JESU! minime; mori mihi satius est, quam ut tibi sim infidelis: *Ego autem dixi in abundantia mea: non movebor in aeternum.* (Ps. 29. 7.)

## Punctum II.

Considera, JESUM in Eucharistia, non esse dumtaxat nobis exemplar Perseverantie, verum etiam Perseverantie causam: 1<sup>o</sup>. quia, cum sit cibus animæ nostræ, in hac alit et conservat spiritualem vitam gratiae, sicut nutrimenta vitam corporalem sustentant. 2<sup>o</sup>. Quia nos tuerit a peccatis mortalibus, quæ sola nobis eripiunt gratiam. 3<sup>o</sup>. Quia actualia subministrant auxilia ad superandas tentationes, et ad Perseverandum. Quantum igitur JESU sumus adstricti, quod nobis tam efficax perseverandi præbuerit remedium! Gratias ipsi refer protanto favore; time, ne per frequentiores relapsus sis illo abusus; de tuis infidelitatibus dole et a Deo donum Perseverantie postula. Ah! mi JESU! mi Deus! Perfice gressus meos in semitis tuis, ut non moveantur vestigia mea. (Ps. 16. 5.)

| MISSA VOTIVA            | COLOR.                 | MISSA.                       | GLORIA.   | ORATIONE:                                     |
|-------------------------|------------------------|------------------------------|---|---|
| De SS. Trinit.          | Albus.                 | propria in fine<br>Missalis. | omittitur   | 2 et 3 die<br>currentis                       |
| De Spiritu<br>Sancto.   | Rubeus                 | id.                          | id.   | id.   |
| De SS. Sacra-<br>mento. | Albus.                 | id.                          | id.   | id.   |
| De SS. Pas-<br>sione.   | Violaceus              | id.                          | Id.   | id.   |
| De Sancta<br>Crucis.    | Rubeus.                | id.                          | id.   | id.   |
| De B. Virg.<br>Maria.   | Albus.                 | id.                          | dicitur tan-<br>tum in Sab-<br>bato et infra<br>Oct. B.M.V. | 2 diei cui<br>rentis,<br>5 de Spi-<br>ritu S. |
| De Angelis              | Albus.                 | id.                          | dicitur.  | 2 et 3 die<br>currentis                       |
| De Apostolis            | Rubeus.                | id.                          | omittitur   | id.   |
| Pro quacumq.<br>necess. | Violaceus.             | id.                          | id.   | id.   |
| Pro remiss.<br>peccat.  | Violaceus.             | id.                          | id.   | id.   |
| Pro infirmis.           | Violaceus.             | id.                          | id.   | id.   |
| Pro sposo et<br>sponsa. | Albus.                 | id.                          | id.   | id.   |
| De Sanctis.             | Ut in eorum<br>Festis. | propria aut<br>communis.     | id.   | id.   |
| Pro defunctis.          | Niger.                 | propria.                     | id.   | una vel<br>plures.                            |

| CREDO.          | PREFATIO.                    | COMMUNI-<br>CANTES.                          | ITE MISSA EST<br>vel BENEDI-<br>CAMUS<br>DOMINO.        | ULT. EVANG. |
|-----------------|------------------------------|--|---|-------------|
| omitti-<br>tur. | propria.                     | Commune vel<br>proprimum de<br>illo tempore. | Benedicamus<br>Domino.                                  | S. Joannis  |
| id.             | propria.                     | id.  | id.   | id.         |
| id.             | de Nativ.<br>Dominii.        | id.  | id.   | id.         |
| id.             | de Cruce.                    | id.  | id.   | id.         |
| id.             | de Cruce.                    | id.  | id.   | id.         |
| id.             | propria.                     | id.  | Ite Missa est<br>in Sabato et<br>infra Oct. B.<br>M. V. | id.         |
| id.             | communis.                    | id.  | Ite Missa est.  | id.         |
| id.             | de Apostolis                 | id.  | Benedicamus<br>Domino.                                  | id.         |
| id.             | communis.                    | id.  | id.   | id.         |
| id.             | id.                          | id.  | id.   | id.         |
| id.             | id.                          | id.  | id.   | id.         |
| id.             | propria.<br>aut<br>communis. | id.  | id.   | id.         |
| id.             | communis.                    | commune                                      | Requiescant<br>in pace.                                 | id.         |